

Zarjadniski předpis

Sakskeho statneho ministerstwa za kultus k plaćiwosći Hamtskeho rjadowanja němskeho prawopisa a Prawopisneho słownika hornjoserbskeje rěče na zjawnych šulach w Swobodnym staće Sakska (VwV prawopis na šulach)

Z dnja 10. apryla 2014

Na zakładze wobzamknjenja Konferency kultusowych ministrow z dnja 2. měrca 2006 wo wobchadzenju z Hamtskim rjadowanjom němskeho prawopisa na šulach a na zakładze Zakonja wo prawach Serbow w Swobodnym staće Sakska (**Sakski Serbski zakon** – **SächsSorbG**) z dnja 31. měrca 1999 (SächsGVBl. str. 161), kotryž bu posledni raz přez artiki 59a zakonja z dnja 27. januara 2012 (SächsGVBl. str. 130, 149) změnjeny, kaž tež postajenja Sakskeho statneho ministerstwa za kultus wo dźěle na serbskich a druhich šulach w němsko-serbskej kónčinje z dnja 22. junija 1992 (SächsGVBl. str. 307) postaja statne ministerstwo za kultus slědowace.

I.

Wobluk plaćiwosće

Tutón zarjadniski předpis plaći za wšitke zjawne šule w Swobodnym staće Sakska.

II.

Němski prawopis

1. Hamtske rjadowanje němskeho prawopisa we wersiji lěta 2006 z dodawkami Rady za němski prawopis w rozprawje z decembra 2010 je zawjazowacy zakład němskeho prawopisa na wšěch zjawnych šulach.
2. Konkretna placiwa wersija prawidlow a zapisa słowow je na internetnej stronje Instituta za němsku rěč přistupna (<http://www.ids-mannheim.de/service/reform/regeln2006.pdf>, <http://www.ids-mannheim.de/service/reform/woerter-verzeichnis2006.pdf> und <http://www.ids-mannheim.de/laufend/Sprachprojekt/pdf/gr11-extra/pdf>).
3. W dwělých padach tworja słowniki zakład, kotraž po wuprajenju nakładnistwa aktualnemu stawej hamtskeho rjadowanja (staw 2006 z dodawkom z julija 2011) dospólnje wotpowěduja.

III.

Serbski prawopis

1. Prawopisny słownik hornjoserbskeje rěče Pawoła Völkela, wobdźělany wot Tima Meškanka, 5. wobdźělany a sylnje změnjeny nakład 2005, je zawjazowacy zakład serbskorěčneje wučby na wšěch šulach.
2. Wšitke wučbnicy a wučbne materialije za předmjet serbšćinu a za serbskorěčnu wučbu w druhich předmjetach maja nowym rjadowanjam wotpowědować.
3. Wužiwaja-li so wučbnicy, kotraž postajenym prawidlam Prawopisneho słownika hornjoserbskeje rěče, 5. nakład 2005, hišće njewotpowěduja, maja so šulerki a šulerjo na to skedźbnić.

IV.

Nabywanje plaćiwosće a kónc plaćiwosće

Tutón zarjadniski předpis nabywa džen po swojim wozjewjenju plaćiwosć. Zdobom skónči so plaćiwosć zarjadniskeho předpisa Sakskeho statneho ministerstwa za kultus k wobchadzenju z Hamtskim rjadowanjom němskeho prawopisa plaćaceho wot 1. awgusta 2006 (RS-VwV 2006) z dnja 24. julija 2006 (MBI. SMK str. 342), naposledk wobstatk zarjadniskeho předpisa z dnja 11. decembra 2013 (SächsABl. SDr. str. S 895), kaž tež zarjadniskeho předpisa Sakskeho statneho ministerstwa za kultus k plaćiwosći Prawopisneho słownika hornjoserbskeje rěče a k wobchadzenju z tam zapřijatymi noworjadowanjami we wučbje na powšitkownje zdźělowacych šulach w Swobodnym staće Sakska (RS-SorbVwV) z dnja 16. awgusta 2006 (MBI. SMK str. 428), naposledk wobstatk zarjadniskeho předpisa z dnja 11. decembra 2013 (SächsABl. SDr. str. S 895).

Drježdźany, dnja 10. apryla 2014

Sakske statne ministerstwo za kultus
Herbert Wolff
statny sekretar

Zuletzt enthalten in

Verwaltungsvorschrift des Sächsischen Staatsministeriums für Kultus über die geltenden
Verwaltungsvorschriften des Staatsministeriums für Kultus

vom 11. Dezember 2017 (SächsABl.SDr. S. S 409)